

Txirritola

ARAMAIO / Barikua / 2004ko urriaren 22a / 126. zenbakia

KOORDINATZAILEA: Ubane Madera • Otolora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Datorren urtean zergek zenbateko igoera izango duten aztertuko du udalbatzarrak eguaztenean

UBANE MADERA

Datorren eguazteneko osoko bilkuran zergen igoera aztertuko du udalbatzarrak. Gogoratu beharra dago aurreko urtean ez zutela igoerarik ezarri herriko zergetan.

Datorren urterako Ordenantza Fiskalak proposatuko dizkiote Ogasun Sailak eta alkatez arduratzen diren udalbatzarrari datorren eguaztenean. Edo bestela esanda, 2005ean udal zergek izango duten igoera zenbatekoa izango den erabaki beharko du udalbatzarrak.

BERRIKUNTZAK IZAN DIRA

Besteak beste, ibia, obren tasak... errebisatuko dituzte, zerga horiekin lotuta, aurtengo hobariak onartu dituzte-eta. Adibidez, zailtasunak dituztenendako hobariak onartu dituzte zenbait zergatan, familia-ugariendakoak ere onartu dituzte... Horiek guztiak dagoeneko aplikatu dituzte Aramaion, baina nahi dutena da legez egitea, ordenantzetan jasotzea, alegia.

Eta, jakina, horrekin batera, zergen datorren urteko igoera orokorra eztabaidatu eta erabaki beharko dute zinegotziek. Normalean, igoera hori Kontsumo



ARTXIBOA

lazio Udalak ez zuen zergarik igo, ez zuelako beharrezko txosten ekonomikoa aurkeztu.

Prezioen Indizearen (KPI) arabera egiten da. Eta Aramaion ere hala egingo dute.

Baina Aramaioren kasuan bada aipatu beharreko beste pun-

tu bat ere: iaz ez zutela zergarik igo. Kontua da Aramaioko Udalak herritarrei ematen dien zerbitzua defizitarioa dela gaur egun. Hau da, Udalak dirua galtzen due-

la herritarrei emandako zerbitzuengatik. Hala, horri buelta emateko, iaz erabaki zuten apurka-apurka zergek igotzen joatea, defizita ezabatu, Udalak ematen

duenaren eta batzen duenaren artean parekotasuna lortu arte. Baina hori egiteko Udalak txosten ekonomikoa bat egin behar zuen. Ez zuen halakorik egin. Eta horren ondorioz, zergak ezin izan zituzten igo.

Aurtengo, berriz, txosten ekonomikoa hori egiten dabilta eta datorren eguazteneko osoko bilkuran aurkeztuko dute. Hortaz, aurtengo hasita, Udala apurka-apurka zergek igotzen hasiko da.

BESTELAKO GAIAK

Ordenantza Fiskalez gain, bestelako gaiak ere landuko ditu udalbatzarrak. Esaterako, Emilio parrokoak dirulaguntza eskatu dio Udalari. elizan lan batzuk egiteko, tartean, berogailua ipintzeko.

Bestalde, Diputazioak deialdia egin du errepideak konpontzeko dirulaguntzak eskatzeko. Zein eskaera egin aztertuko dute zinegotziek. Eta bestelako gaien artean, udaletxean egiten dabil-tzan lanekin lotutako puntu bat ere landuko dute.

Esandako moduan, batzarrak eguaztenean izango da, ohikoa den moduan, 18:00etan hasita. Dauden gaiak ikusita, seguru aski luze joko du, gainera.



'Berria'-ren aldeko laguntzarengatik epaiketa, laster

Azaroaren 3an bi epaiketa ditu Udalak Gasteizko Auzitegi Probintzian. Bata Berria-ri 1.500 euroko laguntza emateagatik (1.000 euro akziotan eta 500 dirulaguntza moduan). 13:30ean izango da. Bestea Oletako partikular batekin lursail batzuk direla-eta duen desadostasunarengatik. 12:00etan izango da bigarren hori. Bestalde, presoaren aldeko pankarta erosi eta garraiatzeagatik Aramaioko Udalari ipini zioten salaketa bertan behera geratu da, forma kontuengatik.

LABUR

Arkitekto eta aparejadore berriak Udalean

Laster arkitekto eta aparejadore berriak izango dira Udalean, Alberto Mendietaren eta Xabier Berridiren lekua betetzeko. Hain justu ere, oraingoa behin-behinerako langile bihurtuko dituztela adierazi digu alkateak, Udalaren jardunean etenik ez izateko. Eta aurrerago lehiaketa publikoa deituko dutela lanpostu biak betetzeko. Asmoa da oraingo astean bertan lortzea behin-behinerako langileak. Dena dela, ez da erraza izango, eskaintzen dutenak da-eta egun osorako lana.

Bizkaitarrak nagusi Itur Zurik antolatutako margo-lehiaketan

UBANE MADERA

Itur Zuri Emakume Elkarteak oso balorazio positiboa egin digu aurtengo aire libreko margo-lehiaketaren gainean. 45 margolarik parte hartu dute. Esan digutenez, batzuk Euskal Herri kanpotik etorri ziren Aramaioara; Santandertik, esaterako.

Bitxikieria moduan, esan beharra dago aire libreko margo-lehiaketako garaileak, nagusien mailan, bizkaitarrak izan zirela hirurak. Guztira, 31 lagunek parte hartu zuten. Eta haien artean, irabazlea Jon Idigoras ermuarra izan zen, bigarrena Jose Migel Arranz astrabuduarra eta hirugarrena Karmen de la Fuente bilbotarra.

Gazteen artean, berriz, 14 gaztetxok parte hartu zuten. Maila horretan ere bizkaitarrak izan ziren nagusi, baina aramaioar batek ere izan zuen zeresana: Raquel Ruano barakaldoarra izan zen lehena, bigarrena Maider Aldai aramaioarra eta hiruga-



Lehiaketako garaileak pozik, Aramaion irabazitako sariarekin.

rrena Javier Ruano bilbotarra. Esan beharra dago Ruanotarrekin ere gauza kuriosoa gertatu zela; izan ere, aita-ama eta semea eta alaba, guztiak aurkeztu ziren

Itur Zurik antolatutako aire libreko margo-lehiaketara.

Parte-hartzeari dagokionez, antolatzaileek adierazi digute urtero moduan dezente handia

izan den arren, aurtengo, nagusien mailan iaz baino aramaioar gutxiagok parte hartu dutela.

BIHAR ERE ZABALIK

Bestalde, iragarritako moduan, oraingo astean, margo-lehiaketako zenbait margolanen erakusketa zabalik izango da Sastiñan, bihar arte (zapatua). Hain zuzen ere, bihar, 12:00etatik 14:00ak arte izango da zabalik. Ikusteaz gain, margolanak erosi ahal dira Sastiñan.

HERRITARREK IKUSTEKO

Eta erakusketa itxi ostean, saldu ez diren margolanak egileei bueltatuko dizkiete Itur Zurikoek. Irabazleenak izan ezik. Urtero moduan, herriko zenbait lekutan ipiniko dituzte haien margolanak. Herritarrek ikusteko moduko lekuetan, hain zuzen: bat edo bi udaletxean, medikua-ren kontsultan beste bi-edo, Pakiren landa-turismoan (Murun) erakusketa ipiniko dute eta gainontzeko margolanendako lekurik aurkitu ezean, lokaletan ipiniko dituztela esan digute.

BOTEPRONTOAN/ Pedro Lizarralde · Zalgoko auzo alkatea


“Gasa nahiko ondo dago, baina beste gauza guztiak aztertu eta berritu egin behar dira”

Gaztetan Arrasaten eta Aretxabaletan bizi izan ostean, orain Aramaion bizi da Pedro Lizarralde. Zalgo auzoan. Orain dela 30 urte. Gaur egun auzoko alkatea da. Sagar artean aurkitu dugu, Emaldi baserrian:

Lehenengo aldiz auzo alkate?
Ez. Aspaldi ere izan nintzen. Aurreko agintaldian ez, orain bi eta hiru agintaldi direla izan nintzen.

Lana ondo egingo duzu, bada, berritri zeu alkate aukeratzeko?
Ez dakit. Ahaleginak egiten dira. (Barre)

Datozen urteotan egiteko handia aurreikusten duzu auzoan?
Hori da betikoa. Nahi baduzu lana badago, ez baduzu egiten ezer, esan daiteke ez dagoela lanik. Hemen lana dago soberan. **Lan horien artean, zeintzuk dira behar nagusiak?**
Kenduta gasa, nahiko ondo dagoela, beste gauza guztiak aztertu eta berritu egin behar dira. Urarekin, adibidez, lehen oso txarto genbiltzan, eman zitzaion behin-behineko konponbidea, baina gaur egun arazo dezente ditugu. Batzuetan ura ondo etortzen da, baina beste batzuetan oso presio txikiarekin etortzen da. Argia joaten bada ur barik geratzen gara... Irtenbide-



“Auzorako ganorazko proiektua dagoenean hasiko gara diru bila edo behar dena egiten”

ren bat behar dugu.

Lehenbailehen nahiko duzue...
Bueno, ur faltan ez gaude. Baina zerbitzua ez da ona. Hortaz, hori konpondu egin behar da. Presak ere ez dira onak, baina, behintzat, proiektu bat izan behar da, gauza guztietan moduan.

Hortaz, Ibarrik horren gertu egoteak ez dizue erraztasunik ematen?

Gure auzoa dezente berezia da horretan. Izan ere, guk auzoan dugu kaleko ur-biltegia, kanposantua eta gas-biltegia... Baina gero arazoak ditugu urarekin... Saneamendua ere egin barik dugu, nor bere putzu beltza du. Hortaz, ura da arazo bat, saneamendua beste bat, argiarendako orain dela urte asko egindako instalazioa dugu eta ez da egokia oraingo beharretarako; hortaz, horrekin ere arazoak ditugu. Auzoko baten batek

etxetresna elektriko bat martxan jartzen duenean, argiaren indarra jaitsi egiten da.

Zelako harremana duzue Udalarekin?

Orain dela bi hilabete egin genuen berba eta esan ziguten proiektuak badaudela... Baina esan genien ganorazko proiektua prestatu behar dela. Izan ere, Udalean ideia orokorrak dituzte. Era berean, auzokoei emango diegu iritzia emateko aukera. Eta ganorazko proiektua dagoenean hasiko gara diru bila edo behar dena egiten.

Bai, Udalak diru arazoak ditu...

Bueno, gauza batzuetarako ez dago arazorik, dirudienez. Auzoetan bai, auzoetan beti daude arazoak.

Zalgo auzo garrantzitsua izan zen antzina, ezta?

Bai. Oraingo kanposantuko paretak ziren elizako paretak. Azkenean eliza jaitsi zen behera. Gainera, Aramaioko lehenengo baserrien artean, hemen zegoen bat.

Kezka bat ere baduzu...

Bai. Argitu egin beharko litzateke zein den gaur egun auzo alkateen lana: zertarako dauden, zer egin beharko luketen auzo alkateak ez daitezela soilik mandatariak edo pertsona sinbolikoak izan.

TELEFONO-JAKINGARRIAK

OSASUNA / LARRIALDIAK	
Osasun etxea (txandak)	945 44 53 40
Bostika	945 44 50 03
Udaletxea	945 44 50 16
Erizaintza (Arrasate)	943 79 71 99
Corutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zulako Eskualdea	945 43 01 67
Sabillzarleak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan delitu beharko dute honako zenbaki honetara: 629 54 59 23

OHARRAK

BARIKUKO ZINEMA

Komedia aukeratu dute gaurko zinema saiorako: Charles Chaplin zuzendari eta aktorearen *El Gran Dictador* filma emango dute, herritutako bertsoian. Besteak beste, Charles Chaplinek berak, Jack Oakiek, Reginald Gardinerekin eta Henry Daniellek parte hartzen dute 124 minutuko komedia horren aktoreen zerrendan. Adolf Hitler nazia irudikatzen du oso komikoki Charles Chaplinek film horretan.

ERRETIRATUEN EGUNEKOA

Hasi dira Erretiratuen Eguneko azokarako salto-kien zerrenda egiten. Jakinarazi digutenez, dagoeneko 20 bat lagunek eman du izena. Dena dela, oraindik ez dute erabakirik hartu, herriko saltzaileei lehenasuna eman gura die eta Udalak. Hortaz, izen guztiak batu ostean erabakiko dute zerrenda. Datorren astean. Bestalde, herenegun, eguaztena, ipini zituzten salgai herri-bazkarirako txartelak: auzo alkateak izango dituzte; baita Vital Kutxan, Euskadiko Kutxan eta udaletxean ere.